

Rés
45
(2)


SOTERIA
PRO PETRO
GASSENDO,
HVIVS ÆTATIS
PHILOSOPHORVM
PRINCIPE,
Recens è Peripneumoniâ recreato.



LVGDVNI,
Apud GVILLELMVM BARBIER, Typographum Regium.

M. DC. LIV.

207ERIA
PRO PETRO
GASSENDO
HUIUS AETATIS
PHILOSOPHORVM
PRINCIPES
Rectoris Periphrasticonis rectoris



LONDON
Apud GUILLIUM BARBER, Typographum Regium

M. DC. LXX.



S O T E R I A
P R O P E T R O
G A S S E N D O.



*V*ICIMVS! Et nostris tandem exorata querelis
Fata secaturas pretiosa stamina vita
Sustinere manus. Spirat GASSENDVS, Et illâ
Quâ modò non licuit, securus vescitur aurâ.

Hoc debet sibi noster amor: nec inanis ad aras
Victima procubuit; nec amore litata ministro
Nequicquam innocuas vacuauit sanguine fibras,
Vt pia desereret nocuus precordia sanguis.

O quantum inuidia Superis! cùm didita leuo
Murmure Salluuias fama aspirauit ad vrbes!
Quis clamor, quæ cura viris! Vix primus ad aures
Rumor ijt nostras, capitis discrimen amici
Allatum, quanquam nomen reticetur amici,
Vaticinatur amor. Vanis lactare timentem

*Artibus haud opus est (inquam:) GASSENDVS adhuc-ne
Est super? anne cui perijt Sapientia nostri?*

*Non responsa comes dederat, mihi funeris Augur
Extudit ista dolor. Proh quantum Gallia luges
Orba caput! Quantus, veteris Prouincia Roma,
Est tibi raptus honos! Salyi plorate Penates
Quem decorat mærens communi Europa sepulcro,
Quique per ora virum Saliaris adorea terra
Æternum extendet longinqua ad secula nomen,
Fortè olim ambiguo mage litigiosus Homero.*

*Huic-ne parem vidistis cui? qui nosceret vnus
Astrorum aspectus varios, calique meatus,
Ingentisque vices Totius, idoneus auctor
Ardua metari dubio systemata mundo,
Inde Syracusio doctas in puluere metas
Ponere, Socratica nunc impallere lucerna.*

*Iam study austerum teneris fregisse Camænis,
Quàm paucis tribuere Dei? Memini ipse fidelem
Incipiens memori cum redderet ore Maronem;
Nunc MAGNUM Lucane tuum; modò blanda Catulli
Carmina, nunc Tragico Senecis cantata cothurno
Fata ducum, nil non complexus mente capaci.*

*Haud tamen hinc tristes fastus, atroxue seuerâ
Fronte supercilium, sed inambitiosa decenti
Ora pudore nitens, cuiuis concedere palmam
Emeritus, facilemque dare obnitentibus aurem;*

Tantus

Tantus erat candoris amor, nullique recessus
Mentis, & antiquæ spirans Virtutis imago.

Nam neque rancidulas (deliramenta Sophorum)
Quisquiliæ legere, & farragine tinctus Iberâ
Figere subtiles doctus per inane Chimeras:
Sed Latîâ verè madido Grajâque Mineruâ,
Democriti quid sancta viri sententia ponat,
Aut Epicuréo fundat Lucretius æstro,
Quidquid Anaxagora, Patrisve arcana Platonis
Sacra ferant, aut quæ numerosâ obducta figurâ
Pythagoras tacitæ pandat mysteria turba,
Omnia nosse datum: nec Aristotelæa modestus
Pulpita despiciens, sed veri afflatus amore
Iurgia clamose non profectura Palæstra,
Mutavit meliore modo. Non barbara doctos
Verba premunt sensus; verùm hoc duce pura Suada
Flumina rursus agris Sophia fluxere Latinis.

Quid referam, quantus iuuenilibus insilit ardor
Pectoribus, cæcas Naturæ evoluerè leges,
Et ductore nouo (quid enim hoc ductore negatum?)
Prima per ignotos tentare pericula calles.

Nunc datur audaces non nostra ad sidera vultus
Tollere, & admotò propiùs cognoscere cælo,
Qui geminas (quondam ut sua pignora) Falcifer Anfas
Sorbeat, utque suis Iouis ardeat orbita Lunis,
Quidve lacunosa distent fraterna sorori

Nubila, suspensos que vis agat incita Mundos.

*Sin inuat aspectus propiori obuertere terra;
Quàm pulchrum signatur iter! nouus audet aruspex
Conijcere, inspectis animantium cominus extis,
Quos agat (Harua licet indignante) recursus
Voluendus sine fine cruor. Quid ponere leges
Motibus, & rebus que nomina parta caducis
Districto numerare gradu? Quò tenditis, eja
Ignari rerum Artifices! quò tenditis, atris
Conseruisse manus Laruis; Luci'sque, Sonorisque
Appulsus tennes, atque irrequieta Calorum
Semina, fallaci verborum inuoluere fugo?*

DISCITE, & ex uno summam comprehendite Motu.

*Heu sperare nefas: donec deserta Lyceis
Exulat Vranie, passimque ingentia grandes
Ingenia exercent nuga, nostroque pudori
Pingua Diuinâ feruent Hypocausta Mathesi.*

*Hoc erat in votis GASSENDO, agnoscere vultus
Naturæ, Artificis numerosque & pondera mentis;
Dumque auidò, rerum tot tentamenta, labore
Concipit, & morbo sapientum occurrit auito,
Non sensit repisse suum. Sic dulce sciendi
Tormentum, & studij subit insidiosa voluptas.*

*Scilicet ingenij sub mole minora fatiscunt
Corpora, ut inclusus vagina tegmina mucro
Exedit, hospitij & violat iura improbus hospes;*

Hinc

Hinc Petro properata dies. Sed fare; sinister,
 (Sic tacitum, tandem mihi redditus, hortor amicum)
 Fare satini certâ manavit origine, rumor?
 Ille indignanti similis: Quid perdere inanes
 Pergis, ait, questus, falsoque praire dolori?
 Quem prematuro raptum modò funere ploras,
 Vivit adhuc, Bona verba precor, languore soluto
 DI meliora dabunt. Equidem spiramina Pulmo
 Liberiora negat, tenuique calentia febrî
 Corda, vaporatum commôrunt sanguine pectus.
 Sed rogo (si Superis cura terrena) timori
 Quis locus? An rerum mitissimus ille, cruento
 (Et Phœbus videat) potis est occumbere fato?
 Quid quòd plena Deo, & castis dudum hospita Musis
 Pectora, queis totâ Charitum immigrante choreâ,
 Ipsa suas (superâtque locus) sapientia sedes
 Intulit, exiguus pulmone refusus anbelo
 Obruet arcta cruor? Sed Climacterica terrent
 Te quoque? Septenos novies nempe attigit orbes,
 (Tempora presago nimium funesta Platoni;)
 Hæc potuit timuisse Plato. Dum pergimus ambo,
 Quâ licet, incertum dictis mulcere dolorem.

Ecce Parisino spectacula dira teatro;
 Depositis iacet heu lectis lacrymabile pondus:
 Nulla quies oculis, fartum quatit arida pectus
 Tussis, & ora licet deformat lurida pallor,

Ardentes

*Ardentes rubuere gena: vox blanda recessit
 Faucibus, & gracilis successit gutture rancor,
 Luctantisque anima, suspiriaque agra trahentis
 Flebilis erumpit stridor; sic sanguine Pulmo
 Æstuat, & nigro manant vitalia tabo.*

*Qualis ubi affusus lychnis fumantibus humor
 Exuperat, crassosque bibunt ellychnia succos;
 Fit crepitus, pinguique natans luctatur oliuo
 Fomes, & extinguunt tenues sua pabula flammæ:
 Sic grauis exundat per torrida viscera pestis,
 Vitalisque vias præcludit, & ignibus obstat.*

*Tene ego, grande decus literarum, orbisque periti
 Dulcis amor, te spes hominum, te cura Deorum
 Indignâ aspicio tantum non morte sepultum?
 Et segnes Tymbræe moras, & Delphica proles
 Nescitis! Huc plenis, huc munera fundite dextris;
 Mella Cecrops, pulleque Ægypte ecligma medulla,
 Manna pius Calaber: Natura laborat in uno
 Pectore, diluuiò iam suffocanda cruento.*

*Circumstant lecto intereâ, certantque medentium
 Turba sagax, auidi tantæ incubuisse saluti,
 Spemque metumque inter dubij: Cum clarus ab arte
 Phœbeâ, (sanctæ fortè hinc faciebat Hygæe)
 Extremâ exclamat subito PATINVS ab aula,
 Macti animis! Et sunt (michi credite) Numina cælo;
 Audimur socij; risit mihi dexter Apollo,*

Et

Et subiens auras hæc verba nouissima dixit :

INVIDIÆ EST DANDVS SANGVIS ; quòd
pectora vincat

*Omnia solerti GASSENDVS pectore , Liuor
Vrit edax , pestis primùm hæc vitalibus hæsit
Frigida , sed rabido post paulò accensa furore
Excitat in venis incendia ; sensit Alumni
Penè sibi incauta repssisse obliuia virtus ,
Utque loco cedat Stygis implacabile monstrum ,*

INVIDIÆ EST DANDVS SANGVIS , sic
Numina poscunt.

*Vix benè desierat PATINVS , Apollinis arma
Expediunt moniti , paterisque capacibus instant
Liuentem penitùs venis haurire cruorem.
Tùm lapsa redeunt vires , vigor ore reuixit
Pristinus , adspirántque iterùm vitalibus aura
Follibus. O superi ! quot pectora respirare
Vnus dat vacuo liber spiramine pulmo.*

*Ite animis alacres , quibus est Sapiencia cordi
Túque age votiuos , Prouincia clara , triumphos :
Plùs quàm Thessalicis dura excantauimus astra
Carminibus ; ventura patent cui fata , MORINVS
Conciliatus adest. At tu cui munere Diuùm
Lux data , Nestorei sic lasses stamina fusi ;
Sic tibi de nostris longùm neat Atropos annis ;
Neu propera tibi sat noto succedere cælo ;*

Vive diu terris, expectatumque serenus
Sparge diem: nondum te pronus adorat Iberus;
Mille triumphato restant errore trophæa.
Perge iterum (nam quis non tanta ad nomina currat)
Perge voluminibus tandem tua sensa daturis
 BARBERIVM ditare tuum. Sic spondet Apollo;
Olim tempus erit, cum te schola docta magistrum
Ambiat, atque altas tibi tota Lycæa secures
Summittant, vniſque Auctor laudère cathedris,
Inque tuas vulgò iuret Sapiencia leges.
Dum nos accepti memores, pleniſque futuris
Interea, votis damnati, adstabimus aris
Non sine Farre pio, & Vini libamine Vini.

F I N I S.

